



মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071
Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

৯ জুলাই ২০০৪

মার্কিন ফুলব্রাইট বৃত্তিতে ঢালাও বরাদ্দ বৃদ্ধি

নয়াদিলি-- ভারতে নিযুক্ত মার্কিন রাষ্ট্রদূত ডেভিড সি মালফোর্ড এবং ইউএস এডুকেশনাল ফাউন্ডেশন ইন ইন্ডিয়া (ইউএসইএফআই) চলতি আর্থিক বছরে ফুলব্রাইট স্কলারশিপ খাতে মার্কিন বিদেশ দপ্তর থেকে বরাদ্দ আর্থিক সহায়তায় বিশাল বৃদ্ধির কথা ঘোষণা করলেন।

দু'দেশের মধ্যে শিক্ষামূলক বিনিময় কর্মসূচীর ক্ষেত্রে ৭ লক্ষ ১০ হাজার ডলার (৩ কোটি ২৫ লক্ষ টাকা) মার্কিন আর্থিক সহায়তা বৃদ্ধি রীতিমতো এক উৎসাহ জনক পদক্ষেপ। চলতি বছরে ইউএসইএফআই মোট ৮১ জন ফুলব্রাইট স্কলারকে মার্কিন যুক্তরাষ্ট্রে পাঠাবে। গতবারের তুলনায় তা ১৯ জন বেশি। অনুরূপ ভাবে অতিরিক্ত সংখ্যক মার্কিন স্কলারকেও ভারতে আসার আর্থিক সহায়তা দেওয়া হবে।

বৃহস্পতিবার ইউএসইএফআই দপ্তরে আয়োজিত এক অনুষ্ঠানে মার্কিন রাষ্ট্রদূত মালফোর্ড বলেন, মার্কিন যুক্তরাষ্ট্র ও ভারতের মধ্যে উন্নততর সম্পর্কের অঙ্গ হিসাবে এবং উচ্চশিক্ষা বিনিময় কর্মসূচীতে উভয় দেশই যে উপকৃত হচ্ছে তার স্বীকৃতি স্বরূপ এই আর্থিক সহায়তা বাড়ানো হল।

চলতি ২০০৪ সালের আর্থিক বছরে মোট ৮৩ জন ফুলব্রাইট স্কলার মার্কিন যুক্তরাষ্ট্র থেকে ভারতে আসবেন। এছাড়াও ফুলব্রাইট-হেজ সেমিনার অ্যাব্রড প্রোগ্রামের আওতায় আরও ১০ জন ফুলব্রাইট সিনিয়র স্পেশালিস্ট ও ১৬ জন মার্কিন শিক্ষক-শিক্ষিকা ভারতে আসবেন।

ফুলব্রাইট কর্মসূচীতে মার্কিন কংগ্রেস গত ২০০১ সাল থেকে প্রতি বছর মোট সাড়ে ১৩ লক্ষ ডলার বরাদ্দ করে আসছে। চলতি বছর এই বরাদ্দের পরিমাণ আড়াই লক্ষ ডলার বাড়িয়ে ১৬ লক্ষ ডলার করা হয়েছে এবং এককালীন আরও ৪ লক্ষ ৬০ হাজার ডলার দেওয়া হয়েছে ইউএসইএফআই-কে।

উলেখ্য, ইউএস এডুকেশনাল ফাউন্ডেশনের বোর্ড অব ডিরেক্টরস মোট ১০ জন সদস্য নিয়ে গঠিত। এর মধ্যে ৫ জনকে মনোনয়ন করে ভারতের মানব সম্পদ উন্নয়ন মন্ত্রক এবং বাকি ৫ জন ভারতে বসবাসকারী মার্কিন নাগরিক। এর বার্ষিক অর্থ বরাদ্দ করে মার্কিন কংগ্রেস এবং ভারত সরকারও বিভিন্ন কর ছাড় দেয়।

দ্রষ্টব্য: এই নিবন্ধের সম্পূর্ণ ইংরেজি ভাষ্য আমেরিকান সেন্টারে পাওয়া যাবে। আপনি যদি মূল ইংরেজি বয়ানটি পেতে চান তাহলে আমেরিকান সেন্টারের প্রেস সেকশনে (টেলিফোন: ২২৮৮ ১২০০-০৬, ফ্যাক্স: ২২৮৮ ১৬১৬; ই-মেল: pascal@state.gov) যোগাযোগ করতে পারেন।